

沈乃文主編

明別集叢刊 第四輯

第八十三冊

黃山書社





國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第四輯

第八十三冊

黃山書社



(明)傅新德 著

傅文恪公初集八卷

明天啓刻本

明 嘉議大夫太常寺卿管國子監祭酒事贈禮部
右侍郎湯銘傳文恪公行狀

先生諱新德字明甫號湯銘又號商盤家世一表
遠譜失考自高祖堂至祖汝楫歷數世皆業儒克
庠生父諱應期亦庠生母樊氏生四男子伯新民
守備官叔新命庠生早卒季新國庠生先生其仲
也主過歲太翁抱于門一異人過而相之曰好骨
格好學音當大汝家太翁素力學每讀必至夜分
生言懷中聽讀便能記一二句咕咕口角

一歲能識字五歲能記唐詩近百首且能

傳文恪公行狀卷之一

屬對七歲能行八股文恬靜淳篤不好嬉戲十二
歲舉神童縣令白公璧屢試知爲公輔器與城中
置字舍給書筆資又二年方十四與庠生二十餘
人明倫堂會課立就數千言語證道素號宿儒
莫不敬服乙酉大比府尊吳公同春一見先生卷
玩賞不已曰此相才也元筆也亟薦之衡文者取
以儒士入場是歲典試者一欲解之一欲魁之解
者弗悅魁者之不解之也竟袖焉以爲寧不舉
公也第二人也列名附榜首于是始補府庠弟子
員吳公忠先生以貧故妨業請卽公署內潛修時

取俸入場發以贍其家先生益苦志力學無間寒
暑澄心冥悟甲乙丙丁淹貫芸香之四庫經傳子
史沉酣石渠之九家及其制義必遵朱子註嘗曰
文之減否視筆氣別立異說以圖捷徑文雖工而
心術壞矣甫二十舉戊子山西鄉試第一明年已
丑中焦城榜

賜三甲同進士出身改翰林院庶吉士是歲始娶辛
卯告病歸閉門讀書亦若未第時遠近士咸來講
學先生爲之批卻導窾諸士亦孜孜不倦是時從
遊之士彬彬如也濟濟如也癸巳限滿如京補舊

傳文恪公行狀卷之一

秩甲午授翰林院檢討教習內書堂乙未禮部聘
充會試同考官得士十五人丁酉充正使

冊封山西寧河王纂修

玉牒是年

覃恩進階徵仕郎封父如其官母孺人妻如之己亥
陞南京國子監司業抵任半載祭酒郭公行先生
理監事修

祖制端軌範重八行立規制作誠最淺言以正士習
又累疏條陳以勵士風至于監差撥歷手自掣籤
毫不徇情雖時諱屢觸卒無可指秩滿奏績臨行

多士泣別私議建祠尸祝之先生知而力止焉奏績後進階承德郎封父如其官母安人妻如之祭卯陞右春坊右中允管理清黃本年丁父憂哀毀幾滅性治喪用文公家禮既葬獨居一室三年蔬素墓所去縣城五十餘里遇時祭則步往哀號終日丙午制終禮部屢催起復先生將遣人告終養母知之不肯食先生始謝罪強起奉

命克南京鄉試考官本年陞右春坊掌坊事右諭德兼翰林院侍讀丁未管文官

誥勅戊申陞右春坊右庶子兼翰林院侍讀己酉陞

傳文恪公行狀

卷之一

三

太常寺卿管國子監祭酒事加散官嘉議大夫先生節操益堅一菜一粒咸捐已倖監規益嚴一差一撥俱秉至公每日戴星入監集監士講學明經修行以洙泗濂洛爲師以文行忠信爲教嘗曰讀書須要體驗身與世爲二理與事相乖非聖人合外內之道也其勤于教誨如此庚戌山西荒旱黎民阻饑先生聞之淚下乃約同鄉捐俸積數千金疏

請賑濟仍自出粟三百餘石賑其邑人又與撫臺魏公言本縣預備倉原有穀若干爲寧武道借充軍

餉乞還以賑是歲生活者復業者幾萬口也先生職專教士旦暮皆有功程時刻不容踈曠致傷脾胃延醫調理不痊病雖困頓猶手治文書不怠惟憐以尸位素餐爲懼自庚戌九月至辛亥六月凡五疏乞休未蒙

俞允不意二豎爲殃忽焉永訣臨歿前三日思伯兄守備公伯兄適至話言通夕若無恙者伯兄見其官况暗傷之潛然出涕先生訝之曰兄何爲乃爾傷我窮耶抑慟我死耶如傷我窮子孫賢而多財則損其智愚而多財則益其過吾豈肯爲之馬牛如勸我死吾得正而斃焉斯已矣豈遂委于道耶歿之前一日命僕急治行裝左右會意命設香案既設不能拜北面嘆曰臣雕蟲篆刻鼯鼠技窮再不得與

傳文恪公行狀

卷之一

四

陛下寬簡溫柔造多士矣又南向嘆曰兒電光石火朝露榮名俟薪傳改劫之後另復多忠移孝來也少頃又曰雙睛失職不辨天光百節生寒如衝風雨語所謂啟手啟足之時也幸我平日于此極點得熟亦無大芒厥明問何時左右曰日初旭矣先生亟命更衣未反就而卒卒之日惟有遺書狼藉

案頭囊蕭然衣衾棺木俱不能辨皆賴同官邵公及監中所屬捐資處置計聞

聖心震悼准馳驛歸旋

諭祭塋

贈官禮部右侍郎謚文恪廕一子

先生終于萬曆辛亥七月十四日卯時距生于隆慶己巳十月初五日亥時得年四十三歲配閩氏封安人邑人闢正古女子男三孟庭詩官生仲庭禮庠生俱閩安人出季庭蘭庠生側室張氏出女四孟仲已適人俱閩安人出叔季俱幼側室張出

傳文恪公行狀

卷之一

五

者一聞出者一嗚呼先生身小面方聲音若出金石氣度冲雅和易中有耿介當理而行則剛不可禦據理而守則屹不可移事父母則孝辨色起敬處兄弟則友減獲不私居鄉則謙而人樂遇之居官則清而終身無過其律身最嚴作省心紀日書其所爲暗室屋漏恒有淵默雷聲之懼其學術最博纂集古今類書苦心廿年編帙甫就已聽蒿里薤露之歌先生居恒不欲刊布文集但于靜處刻一聯云習勤朝運甕省過夜焚香蓋先生之志不欲直立言不朽而已也嗚呼先生以一介布衣早

結

主知教化而雍道方大行蒼生仰望孰意壽不滿德功業未半中道殂落部疏代題卹典有使得展其用不難致君澤民卽未竟其施猶堪廉頑立懦之句匪虛語也塋在城北十五里高長山之原祠堂俱如

制樞干先生爲及門弟子親炙有年謹狀先生素履以俟各鉅公採擇焉

邑人門生喬遷樞譔

傳文恪公行狀

卷之一

六

傅文恪公初集目錄

卷之一

歌

遊仙篇壽孫老年伯

賀歐少野先生六旬初度

送歐陽宜諸年丈出守平樂

怡怡堂歌

趙年伯六袞壽

題史侍御怡怡堂冊葉代

古言古風

傅文恪公初集卷一目錄

賦得飛布山壽許閣師

嵐縣文大尹考滿冊葉

送馮少墟三首

送孫湘山

送張明寰二首

七言古風

壽沈司空三秀圖

送黃兩高自金陵還會稽

長安道

書王孝子代母死賊冊葉

仙人足跡

題滄海一粟卷

五言律

壽蕭太翁封君二首

辛太翁壽二首

過孟廟

宴坐齋二首

自池河至紅心盡日行雨中二首

再題怡怡堂冊葉二首

輓巴縣楊太翁三首

傅文恪公初集卷一目錄

姪女過靈橋丹方隱語

七言律

題壽軸爲李芳麓遙祝太翁七十二首

壽湯封君

壽太平縣張封君正月廿五日七十五壽辰

題馮太夫人貞壽榮褒冊葉二首

早朝

送郭青宇年兄叅藩巴蜀二首

送董兵備衡水二首

送史嘯嶽冊使代藩因將母還閩二首

送吳曙谷冊使楚藩便道省母墓告贈典二首

送王忠銘老師致政南歸四首

出郭紀遊同葉郭楊三太史

齊修吾王孫羣鷗館二首

過鴈門李將軍廟

過鴈門吊李武安

挽孝子杜蕙冊葉

挽侯太和代作

毛節婦

王烈婦二首

傳文恪公初集卷一目錄

挽張太夫人

華亭盧文字道丈九月枉吊敝廬

哭亡弟新命

遊七巖廟

登釣臺寺

遊開門峪同鄭毅老賦

八月過鴈門雲際泉二首

燕子磯

觀音閣

清涼臺

秋日同張明寰韓象雲登報國寺閣二首

天界寺同葉郭陳三老先生觀玉蘭三首

七言絕句

館樂南王先生園臺晴望四首

飲杜景吾園中卽事

書新嘉驛松風亭景二首

晚發羊坊口卽事

廣武站館夜卽事二首

金陵三年考滿北上時多士擁送江口雨淚難

分愧余無以當之

傳文恪公初集卷一目錄

自大柳至池河山頭卽事

見道旁滕薛孟堂碑

過李牧祠二首

王奉祠

沙村仙人足石二首

先文恪公大人文集數十卷別作數卷類書千餘卷
閱世四十有三卽騎箕尾而上家計迫索末由刊布
切思

先大人不集金而集書似不謂子孫不能讀奈何十
五年來塵緘蛛網脉望縱橫神僊漫滅不可復識馴
致天祿蔡光譏爲誕妄不肖之罪百啄莫贖矣通籍
三年食貧不減第手澤所在每每見問于

高明敢不勉成初集公于大方然纔文集三之一祇
緣困于卑冷非敢有所去取也皆

天啓伍年端蒙赤奮若律中林鍾不肖男傳庭詩謹

傳文恪公初集

識

乙

傳文恪公初集卷之一

定襄傅新德湯銘父著

歌

遊僊篇壽孫老年伯壽辰蓋八月云

清都大梵天晃耀彌羅闕八角番星虹五雲抱閭闔
中有南極翁餐霞卧瓊雪觀世在壺中救拔五情熱
翩然下太荒兩龍驟列缺乘化來應緣蓐收方令節
玉露滴高桐金天挂海月生平行且歌許身稷與契
三獻不逢辰一丘聊可憐經歲馬蹄間將爲巨源咄
途遺蒼生望獨與洪崖揭青草搖書帶綠蘿隱丹穴

傳文恪公初集

卷之一

一

麋鹿自爲鄰軒蓋宛如寤心隨長空雲海上同滅沒
手持洞靈篇妙得餐玉訣七十方嬰孩浩劫等超忽
天書爛紫泥恩光灑棹楔朝披一品衣夜抱九僊骨
如岳之不騫如海之不竭願翁壽萬春爲翁歌一闕
賀歐少野先生六旬初度七言長歌君無子豪於詩酒兼

善玄
禪

丈人詩酒繼陶潛丈人息機同彭錢手持內典心自
會面有道氣口不言古之達人貴適意咄哉腐鼠成
何事百年三萬六千場一月二十九日醉醉裏狂歌
白雪高心中萬事輕塵毛耻效醯雞不出甕何妨汗

湧接盧敖處汗湧迴人室快逢南陸書雲日介壽
慚無雜珮詒贈君但有長生術壽寧峰下真人居白
石爛煮黃芽爐西池桃葉信應到東海桑田驗豈虛
君不見良貴不在三旌爵多男豈必螽斯樂有日真
君鮮喚龜無數嬰兒能跨鶴

送歐陽宜諸年丈出守平樂長短歌

送君江口行江流何浩浩上有喬木之鳴鶯下有池
塘之春草停杯執袂向路岐問是王粲南登之古道
古道迢迢入桂林經過瀟湘之浦雲夢之陰滔滔南
去漢江深故國烟花春正新君今胡爲驅之去向溪

傳文恪公初集

卷之一

二

蠻深處而問津衡陽自古鴈不過嶺外只與天爲鄰
歐君寧無作楚吟吁嗟歐君女勿作楚吟名宦無媒
自古屯男兒墮地四方客乾坤到處總安宅莫論名
世五百年例是才人二千石九疑以南多峻山山叫
黑猿問白鵬匏笙銅鼓雜烏蠻吾兄鳴琴清署開眉
岫目巖開日月妖蛇不敢啼林端憶昔長安並轡友
同門只君於我厚十二年來反掌間睽離乍合復分
手我心鬱陶君共否送君行飲君酒丈夫致身須不
朽富貴從來水上漚陟要階華亦何有君不見馬援
柱孔明碑青山萬古與崔嵬曹蜍李志諸公安在哉

怡怡堂歌

四鳥悲三荆悴春令急在原交柯讓榮翠動植之物
尚有情參商胡可在同氣有眼莫看都君井中泥有
耳莫聽淮南市上詞上留田行且回轡道旁不忍問
啼兒聞說君家兄弟有高義使人感嘆生嗟咨椿萱
今蚤折常棣兮接樾聯驂兮共被東樓兮南陌夢春
草於池塘題高齋之芭葉願同鴈行千里羣不作蓬
飛九秋折蔡陳留楊道州汎汎雙舟影嚶嚶五門謳
使君友愛接風流當年風木悲急難今日連枝欣竝
粲槌鍾考鼓慶華堂和樂風光旦復旦

傳文恪公初集

卷之一

三

趙年伯六表壽

黃河觸龍門三月桃浪開巨靈高掌決東注直下萬
里翻雲雷此時雲間欲化龍帝遣騎龍白雲翁雲飛
龍躍河之東鄉里衣冠映前後王薛儒名滿人口百
里絃歌德未央五馬專城澤不朽美人爲政本忘機
世路從旁掣其肘以茲骯髒任沉浮幾多白衣與蒼
狗猶性由來不可馴拂衣澤畔學垂綸葛巾不受冠
纓縛芒鞋不踏長安塵長安夢破邯鄲道行歌紫芝
拾瑤草藍田種王綠烟生綠津植桐青鳳小文昌侍
帝香案旁國華有子天人表天人華國侍黃麻白雲

回望早還家身著彩衣趣膝下先吟南陔後白華是
日春光正駘蕩黃鸝布穀聲相向縹緲鸞笙海上來
翩躚鶴馭霞中望稍觴祝壽儼羣仙綺席爭開玳瑁
筵遲日一天花似錦長春百歲酒如泉長春遲日開
芳讌春去春來人不見靈族躬添海屋籌丹溜色注
桃花面昨夜乘槎去問津老人光燭大河濱願得仙
翁介眉壽風露年年護大椿

趙年伯河津人以
三月逢鑒揆之辰

題史侍御怡怡堂冊葉代

泛泛河中藻搖漾紛相牽嚶嚶谷中鶯飛鳴求且遷
况我同根樹枝葉故纏綿鵲音急在原鴈行不離天
傳文恪公初集卷之一 四
風木一朝憐葉落更乖翻何能遠披離抱影自相悵
夢我哀以蔚常棣鄂且偏豈以釜羹味曠我豆與邊
豈以琴瑟音奪我虎與兎撫枕夜五起慕愛曲衷鐫
讓肥瘠可分夢樓被欲穿庭荆永不悴塘草日芳妍
我歌和樂篇覽之亶其然

五言古風

賦得飛布山壽許閣師

舊甸恢箕野靈區闕斗躔翠屏千嶂合飛布一峰懸
拂霧城陽近排雲大障連紫金浮落照白水接寒烟
蔚蒼風雷壑摩圍日月天神僊留窟宅光嶽降才賢

茗發丹嶠秀苞符箕穎偏握蘭金鳳闕飛藻玉鷄淵
鬼谷抽精秘神丘歷校研星津高華壘月峽倒思泉
藜火翻芸篆橋門廣治甄鈞衡方特進樞掖契無前
滌盪江河濁昭回雲漢鮮三朝文物泰八極化光圓
截薛夔龍上崢嶸晁董先碩膚仍几几聖春日拳拳
國本元良重毗承羽翼堅巖廊成遂日丘壑太平年
去任雲間岫追攀鶴上僊故吾偕鹿豕觀物會魚鳶
道愜神情定機忘俗理捐具茨通嚮象姑射得冥筌
澤藪神逾王薰修髮更玄鱗封蒼栢幹芽茁白鴉田
夢鸞佳辰協乘牛紫氣騫椿齡開五百桃實正三千
傳文恪公初集卷之一 五

嵐縣文大尹考滿冊葉

星極光何燦儀刑夢欲牽遙裁飛布詠寫意托陳宣
妙宰青雲罽皎皎鸞鳳姿投刃合桑林絃歌良在茲
清風灑嵐雪毫末謝膏脂訟息鳥下庭蒲鞭掛簪校

瞻瞻邑中叟謳歌備十奇製錦播高名一一聞京師
君王賜顏色報政有誰施螻蛄一鵬騫六翮奮颼颼
隋珠固照乘魚目空累累遠客覽行誼因之誦德詩

送馮少墟三首

居常念朋舊懷怛懷苦辛繼繼幾何時而已成商參
馮君復茲去掉頭西入秦顧瞻岐路側嚴駕難久停
握手一爲別離思日以新白駒有遠志庶以俟河清

其二

河清難可俟亮直難爲容井渫自不食滄浪可濯纓
慷慨卽別離不知氣憤盈仰視雲間鶴曠世楊哀音

傳文恪公初集

卷之一

六

一飛喚青天寧與鶉鷃鳴徘徊戀比闕浮雲起重城
爾行亦孔遐願無密音音

其三

爾音昔予誨緩帶比帟絃性善破玄虛匪佛亦匪仙
洙泗楊餘波濂洛濬其源會心爲與魚對面已無言
道誼苟相求千里猶比肩行矣勉加餐永終保勿謾

送孫湘山

鬱鬱園中葵丹榮媚朝陽朝陽倏西傾遊雲隨其光
春華不須臾零露淒以霜搖落易爲感離人多慷慨
言念追昔愛遺子慰蘭芳清言秘東序嗟切來圭璋

如何中乖別直道離愆殃踟躕岐路雲鳥爲徬徨
臨觴慘不歡鳴琴發清商別促憂日短會難苦路長
代馬依朔風衡鴈杳三湘棄置勿可道努力勿可忘
丈夫志四海誰謂天一方萬里爲比鄰日月互相望
豈必同宴笑久要在衷腸但願崇明德無爲情內傷

送張明寰

遙遙大路駟悠悠廣陌塵人生一世間佳會難重陳
在昔遊東觀及子邁歡情鹿鳴相求友虎賁谷風清
令德唱高曲冷冷楊奇聲我側鳳池旁子居西掖楹
抗志冀陳力含意竟未申握瑜不得售危言獲罪擯

傳文恪公初集

卷之一

七

俛仰疇昔歡曠若分水蘋念當乖往路千里邈已臨
浮雲墮天地白日繁霜零傷彼蕙蘭萎淚漣漣不可禁
惟有一尊酒聊以展殷勤

殷勤何所懷所懷在遠道鷓鴣一先鳴所遇無芳草
春華桃李榮松柏難爲好結髮爲弟兄參差苦復早
川塗限河梁音問中州邈悲風蘇門來灑泪滿襟抱
自顧非金石咄嗟令人老可望不可親託情於青鳥

七言古風

壽沈司空三秀圖

天目之雲五色揚蒼霄之水雙龍翔秀出玉人凌霄

漢靈椿鬱鬱傍明光露萱花披雲錦春回朱草發
天香瑤階三秀世應少祗有蓬萊粉琳琅五夜星文
動南極羣仙一曲舞霓裳更看簾外來青雀年年長
送紫霞觴

送黃兩高自金陵還會稽

去年別君春尚早今歲君歸春正好可奈人歸歸似
春可惜惜春春又老君家壯歲學冥鴻荷衣芒屨五
湖東無官名是商山皓有子人呼江夏童興來手柱
綠玉杖雲林採藥搜名嶂慣從鶴洞訪天台幾向龍
湫尋鴈宕七貴長安并四豪雲臺爭似釣臺高羽翰
傳文恪公初集卷之一

長安道

山東驛舍題

塵埃十丈長安道南去北來何日了但見冠蓋走縱
橫不知衣帶緇多少今途曾送古人輪古人亦作此
途塵荒亭虛上寒山月老樹盡入龍頭雲景桓霸業
今何在管晏先歸不相待兵車臺榭沒寒烟惟餘河

濟東流海東流海水無窮期人生名利能幾時但足
庭前供養養豈向天涯走別離

書王孝子代母死賊冊集

黑風吹海海水立長鯨跋浪天無日江南處處屯妖
氛爺孃妻子走相失孤鳳將雛值羅弦猛虎食人無
豪賢倉皇挺身丐母命見母不見戈與鋌霜凋白華
抱香死刀割藕絲絲未已絲絲痛母不痛躬一片鐵
石萬丈虹刀頭一似斬春風春風墮地地成碧浮雲
不流青天割百身但可贖萱慈一死甘心等鴻擲南
溟一夜墮撓搶親見英靈叱颶還手中電擊倚天劍
傳文恪公初集卷之一

仙人足跡

青苔方石不盈尺烟花一片開青壁時人呼爲仙脚
迹望之彷彿辨紋劃媧皇學煉匪得成巨靈有斧那
能闢陰房鬼火不敢侵造勝留奇真可惜昔傳此山
元氣鍾往往神仙闕其蹤聞笙夜侯緱山鶴騎鹿晨
朝南斗翁緱山南斗時時徧塵裏隙光流紫電我欲
從之問六還天上人間不相見不相見兮杳難期惟
見石上印跡空纍纍

題滄海一粟卷

圓明覺海瀑流潺湲識風鼓擊摧三山浮提颺墮黑業
間頭出頭沒不覺閒大士超然離垢慾截斷衆流如
電速虛空粉碎五濁乾世界拋來只一粟誰言海水
廣不盈水一杯誰言一粟小須彌山崔嵬海中粟
粟中海塵塵剎剎非有待大小情量計不生方得名
爲觀自在戴翁家住海南州尺幅爲傳海粟圖箇中
了得環中義歸去乾坤汗漫遊

五言律

壽蕭太翁封君

蜀人

傳文恪公初集

卷之一

十

遙遙西極外往往化人傳
丈者藏書處青城幾洞天
華林方八百桃實已三千
不記人間世長江可問年

其二

江漢垂綸客乾坤小隱豪
丹丘迷甲子紫綬穩林臯
鳳舉肩秦弄鴻名失漢曹
莫將烏府栢爲比歲星桃

辛太翁壽

鳳曆真人劫鴻冥甲子賒
朝陽奔日御駐色餌雲芽
洛社青樽滿關河紫氣遐
蓬萊天路客長此共年華

其二

萬石聯芳裔燕山嗣令徽
衣冠來世德一一自雄飛

丘壑山緣近琴樽俗事希
長生應有訣甘此息塵機

過五廟

戰國紛龍圖先生孤鳳吹
七篇仁義旨百世生民師
浩氣留天地巖瞻肅殿祠
寥寥傳失後誰復是聞知

宴坐齋

小院入庭虛王孫習靜廬
奉山依壁觀叢竹見真如
愛客香厨供堆牀貝葉書
半榻能分我中天執化裾

其二

白業無師智朱門有髮僧
不貪枕寶秘猶記搏沙曾
揮塵風平策翻經月是燈
問君何若定身世玉壺冰

傳文恪公初集

卷之一

十一

自池河至紅心盡日行雨中

雨聲不解愁點點客心頭
古道無人問深林不可留
濛濛原上霧泛泛水中鷗
不見雲中鴈逢秋倍是秋

其二

塞北泥江南三年此轉驂
久憐鄉夢遠反覺異邦諳
密雨交原樹重雲帶野嵐
人間行路惡只待解朝簪

再題怡怡堂冊葉代

悲風搖靜樹烏鵲耿難安
幸有連枝在人將輝萼看
鵲聲原上急鴈影月中寒
綽綽令兄弟池塘夢亦歡

其二

大丘二令器伯也是難兄荆棣花同燦墳麓吹代賡
城烏時下集宅犬亦馴情共被分甘後君家好繼聲
輓巴縣楊太翁

世德三槐舊高名萬石傳鳳嗟還異代蛇夢忽今年
月峽悲藏壑巴江咽逝川德音猶未遠松檟起寒烟
其二

畫閣生存處淒涼到夜臺白雲將犬去蒼靄墮棺來
流水絃中絕山陽笛可哀他年華表上丁宦自徘徊
其三

不必悲晨露如公古自稀 綸章懸日月榮戟敞門
傳文恪公初集卷之一 十二

聞大鳥仍看異封丘更起魏幻緣無可戀直向化城
歸

姹女過靈橋丹方隱語全方皆在乃點化異術
也

毒卉煮砒砂重煎粉石加七臣辭坎府二友會離家
文武遲中火銀鉛淨裏花卅靈夾戊巳下煉永成霞

七言律

題壽軸爲李芳麓遥祝太翁七十

繡斧鳴珂出建章仙郎使節有輝光五雲忽借斑衣
色列宿遥含御史霜南去鴈心時陟岵北來紫氣屬

高堂鹿門此日龐公宅喜見恩波繞桂湯
老興歸來避世喧家傳豸繡主恩偏香山有社同陶
令塵世無營是葛天北海清尊開綺席南山佳氣入
長筵稱觴逢獻遊仙曲手把瓊簫弄紫煙

壽楊封君

臨平峯下接銀塘南國佳人薜荔裳玉洞春深飛綠
雪丹爐夜暖燦玄霜鳳毛已集殊宗瑞鶴籌常懸斗
宿光歲歲朱明初度日闌風吹送紫霞觴

壽太平縣張封君正月二十五日七十五壽辰

偃山姑射遠差峨下有僊翁卧薜蘿姓字人迷秦里
傳文恪公初集卷之一 十二

季功曹誰說漢蕭何鳳毛已見巢阿閣鶴髮還看到
大羅莫是長春開宴處老人星照碩人過

題馮太夫人真壽榮褒冊葉

尚憶當年賦栢舟中河之水咽還流斷機夜雨絲絲
泣破鏡迷雲片片愁天上新題懸日月人間春色到
松楸請看蘭玉輝麟閣還有泥金下鳳樓

一自紅顏傷蕙帳甘心白髮守幽居鳳臺寂寞瓊笙
斷鸞鏡淒涼夜月虛老去蠟珠方起握望來門巷蚤
容車素娥秋盡人間世彤管春生聖代書

早朝